

أنا أيمن الجردى، مواليد الـ1962، العزونية. رقم سجلي 10 قضاء عاليه. يقولوا اني كنت شب مثل القمر، بس الأكيد اني كنت شاطر بالمدرسة، وخلصت بكالوريا أنا وبالـ16. سنة الـ1982 انخفت كان عمري 20. اليوم، صرت بالـ٥٦. يعني فيني اترشح عالانتخابات النيابية، أو عالقيلة كنت بنتخب، لأنو لليوم اسمي عم ينزل عا لوايح الشطب بدائرة عاليه الشوف. بس حدا سأل ليش ما ترشحت ولا فيني انتخب؟ حقنا نعرف

أنا سمعان جدع، مواليد الـ1961، بيروت. رقم سجلي 456 الأشرفية. كنت موظف بالجامعة الأميركية، ومتطوع بالصليب الأحمر اللبناني. سنة الـ1985 انخفت أنا وراجع من إنقاذ جرحى بانفجار. وعمي كمال انخطف معي. كان عمري 24 سنة، اليوم صرت بالـ57. لليوم اسمي واسم عمي بعدن عم ينزلو عا لوايح الشطب بدائرة بيروت الأولى. بس حدا سأل وينا أنا وعمي، وين صواتنا؟ حقنا نعرف

أنا اسكندر زخريا، مواليد الـ1957، بيروت. رقم سجلي 861 راس بيروت. كنت موظف بالبنك البريطاني. سنة 1985 انخفت، اجو مسلحين واخذوني بالقوة من قلب البيت. كان عمري ٢٧ سنة اليوم صرت بالـ61. يعني كان فيني اترشح عالانتخابات النيابية، أو عالقيلة كنت بنتخب، لأنو لليوم اسمي عم ينزل عا لوايح الشطب بدائرة بيروت الثانية. بس حدا سأل عن صوتي وصوات المفقودين متلي؟ حقنا نعرف

أنا نجاة نقوزي. زوجة محي الدين حشيشو، مواليد الـ1927 صيدا. رقم سجلو 301 صيدا. كان أستاذ تعليم بصيدا. انخطف سنة 1982، وقتنا اقتحمت مجموعة مسلحين بيتنا بعبرا وأخذو قدام عيوني وعيون ولادنا. كان عمرو 55 سنة. اليوم صار بالـ91. لليوم اسمو عم ينزل عا لوايح الشطب بدائرة صيدا جزين. يعني كان في ينتخب، يمكن كان ترشح وجاب الحاصل. بس حدا سأل شو حصل فينا؟ حقنا نعرف

أنا مريم سعدي. أمو لمار قصير، مواليد الـ1966 بيروت. رقم سجلو 66 المزرعة. كان مغروم بالموسيقى والعزف، وناوي يتخصص ويصير عازف غيتار مشهور. انخطف سنة الـ1982. كان بعد ما طبق الـ16 سنة. اليوم، صار بالـ52. يعني كان بيحقلو ينتخب، لأنو اسمو بعدو عم ينزل عا لوايح الشطب بدائرة بيروت الثانية. بظن صوتو وأصوات اللي انفقدوا متلو بيعملو حاصل حرزان. حقنا نعرف

أنا أوديت سالم، أم ريشار، مواليد الـ 1962 وماري كريستين مواليد الـ 1964. رقم السجل 553 صور. ريشار كان خالص اختصاصاً بالهندسة، وكريكري كانت عم تتحضر لتفوت عالجامعة. انخطفوا سنة الـ 1985. ريشار كان عمرو 22 صار بالـ 56 واختو كانت بالـ 19 صارت بالـ 54. اسامين بعدن عم ينزلو عا لوايح الشطب بدائرة صور الزهراني. يعني بيحقلن ينتخبوا بس مع وقف التنفيذ. حدا سأل ليش؟ حقنا نعرف